



QR коди
орқали
газетанинг
электрон
вариантини юклаб
олинг!



ИЖТИМОЙ ҲИМОЯ ЭЪТИБОР МАРКАЗИДА

Давлатимиз раҳбари раислигида ижтимоий ҳимоя соҳасидаги устувор вазифалар юзасидан видеоселектор йиғилиши ўтказилиб, мазкур соҳадаги ишлар таҳлил этилди.

Президентимиз йиғилишида ижтимоий тизим ҳамон эскича қолипда ишлаб келаётганини, одамларга умид бериш, ҳаётини яхшилаш, банд бўлишига қўмаклашиш энг охириги ўринга тушиб қолганини алоҳида таъкидлаб ўтди.

Ижтимоий ҳимояга муҳтож аҳолини ҳар томонлама қўллаб-қувватлаш мақсадида:



Маҳаллаларда ижтимоий ходимлар фаолияти ташкил қилинади.

Протез воситаларини бериш, нафақа ва қаровсиз қолган болаларга васийликни расмийлаштириш, ўзгалар парварishiга муҳтож кексаларни ёлғиз деб эътироф этиш каби

49

та ижтимоий хизмат маҳаллагача туширилиши белгиланди.

Маҳаллада ижтимоий хизматлар кўрсатиш электрон платформаси ишлаб чиқиладиган.

*20.02.2024 йилдаги ижтимоий ҳимоя соҳасидаги хизматлар қамровини янада кенгайтириш чора-тадбирларига бағишланган видеоселектор йиғилиши юзасидан.



"МУРУВВАТ" УЙЛАРИ ВА ИЖТИМОЙ ҚўЛЛАБ-ҚУВВАТЛАШ МАРКАЗЛАРИДА ИЖТИМОЙ ХИЗМАТЛАРНИ МОБИЛ ВА КУНДУЗГИ ҚАТНОВ ШАКЛИДА КўРСАТИШ йўлга қўйилади.

Келгуси йилдан:

40

Бу орқали яна

60

та туманда реабилитация, соғломлаштириш ва ногиронлиги бор шахсларга қарайдиганларни ўқитиш бўйича кўп тармоқли ижтимоий хизматлар марказлари ишга туширилади.

минг эҳтиёжманд аҳоли ижтимоий хизматлар билан қамраб олинади, уларга қараётган 3 минг киши ўқитилади.

Ҳозирда нафақа олаётган, лекин меҳнат қилиб, даромад олиш истагида бўлган

660

минг аҳоли учун зарур шароитлар яратилиши уларнинг ижтимоий ва моддий фаровонлиги яхшиланишига хизмат қилади.

Олиш мумкин бўлган протез воситалари

18

»

30

турга оширилади

бунга ажратилаётган маблағ


1,5 баробар оширилиб,

100

миллиард сўмга етказилади



Ногиронлиги бўлган шахслар бундай воситаларни уйдан туриб, ваучер орқали онлайн ёки "Инсон" маркази ёрдамида исталган ишлаб чиқарувчидан олиши мумкин бўлади.



Битта муаммо ўн тага айланмасин

Қашқадарё сайлов округидан халқ депутатлари вилоят Кенгашига депутат этиб сайланган Ўзбекистон Қаҳрамони Муҳаббат Шаропова Қарши шаҳридаги "Шайхали" МФЙга ташриф буюриб, фуқаролар билан учрашди. Одамларни ўйлантриб келаётган муаммоларни ўрганди. Хаста инсонлар ҳолидан хабар олди.

Акмал ҲАЙИТОВ,
"Адолат" СДП Қарши шаҳар кенгаши раиси

Юзма-юз мулоқотда маҳалла фуқаролари ички йўллари тартибга келтириш, уй-жой, электр энергияси таъминоти, даволаниш учун ордер олиш, кредит олиш масаласида, шунингдек, ёшлар ва хотин-қизлар доимий иш ўрнига эга бўлиш учун ёрдам сўраб мурожаат қилди. Депутат фуқаролардан тушган ўринли таклиф ва муаммоларнинг 70 фоизини шу ернинг ўзида ижобий ҳал этишига муваффақ бўлди. Вақт талаб қиладиган муурожаатлар эса Қарши шаҳар ҳокимлиги ва тегишли давлат ташкилотларига депутатлик сўровлари юбориш орқали бартараф этиладиган бўлди.

Президентимиз амалга оширилаётган ижтимоий, иқтисодий ислохотлар натижалари ва халқ фаровонлигини ошириш йўлида қилинадиган ишлар билан яқиндан танишиш мақсадида Андижон вилоятидаги сафари чоғида ҳам одамлар ҳар томонлама яхши яшаши, муносиб иш билан таъминланиши зарурлигини алоҳида таъкидлади, — деди Муҳаббат Шаропова. — Шундай экан, биз халқ вакиллари жойларда одамларни қийнаб келаётган муаммоларни бартараф этиш чорасини кўришимиз керак. Агар бугун фуқаролар томонидан ўртага ташланган битта камчиликни бартараф этмасак, эртага бу муаммонинг устига яна ўн таси қўшилади. Шунинг учун ҳам биз, "Адолатчи"лар халқ орасига мунтазам кириб, ҳар бир муаммони ўз вақтида бартараф этиш учун ҳаракат қилаяпмиз. Шундай йўл тутсак, халқимизнинг эртанги кунга ишончи ортиб бораверади.



Демак, бизга замонавий эртак айтяпти. Ачинарлиси, бу ҳаёлий гапларга ишониб, пул тикканлар ҳам анчагина. Биз суҳбатга кириш учун тўлаган бадал уларнинг улуши бўлишини кейин англаб етдик. Лўндасини айтганда, ёлғонни эшитиш учун тўлаган пулимиз уларнинг ойлиги бўлади, "иш" бору аммо ойликка кафолат беришмайди.

Эҳтиёт бўлинг, замонавий фирибгарлар

Хар сафар давлатимиз раҳбарининг ташрифини андижонликлар ўзига хос байрам сифатида қабул қиладилар. Сабаби, ташриф доирасида жуда кўп ишлар амалга оширилади, янги лойиҳалар қанот ёзади, истиқболли режалар тузилади. Ассийси, халқимизга янги куч, янги ғоялар берилади.



Янгиланаётган Андижон

Мадаминжон МАДАЗИМОВ,
Андижон давлат тиббиёт институти ректори,
“Адолат” СДП Андижон вилояти кенгаши раиси

Юртбошимизнинг бу галги ташрифи жуда кўп томони билан ўзига хослик касб этди. Қатор корхоналар, таълим ва спорт муассасалари, маҳаллаларда бўлиб, ислохотлар жараёни билан танишган Президентимиз олиб борилаётган ишларга муносиб баҳо берди. Асака туманидаги текстиль корхонаси, Андижон туманидаги саноат корхоналари фаолияти, тадбиркор ҳамда хунармандлар томонидан тайёрланган ранг-баранг мебеллар кўрғазмаси республикаимиздаги, хусусан, Андижондаги ислохотларнинг амалий ифодасидир.

Албатта, бундай ютуқларга осонлик билан эришилаётгани йўқ. Бу юртимизда олиб борилаётган оқилона сиёсат, тадбиркорларга яратиб берилаётган кенг имкониятлар самараси. Қолаверса, андижонликларнинг бугунги кун нафаси билан яшаётгани, эртанги кунга бўлган ишончи ва ташаббускорлигининг натижаси.

Давлатимиз раҳбари Андижоннинг тараққиётини янада юқори босқичга кўтариш, янги корхоналар барпо этиш ҳисобиغا аҳоли бандлигини таъминлаш, умуман, вилоятда ишсизликка тўла барҳам бериш, одамларнинг доимий даромад манбаини шакллантириш юзасидан ўз тақдирларини билдирди. Бунинг учун етарли миқдорда маблағ ажратилиши барчани бирдек қувонтирди. Бу ишлаб чиқариш ва саноатни ривожлантириш билан бир вақтда инсон қадрини улуғлашга, халқимиз учун муно-

сиб турмуш шароитларини яратишга хизмат қилади.

Бизни хурсанд қиладиган яна бир нарсаси, Шавкат Мирзиёев ҳамма вақт ёшларга алоҳида эътибор қаратмоқда. Марҳамат туманида ёшлар билан мулоқотда кўзлари ёниб, юрт тараққиёти йўлида “лаббай” деб турган йигит-қизларга қараб “*Биз иқтисодиётимизни ривожлантириб, аҳоли жон бошига даромадларни ошириш, иш жойларини кўпайтиришга ҳаракат қилаёلمиз. Андижонда ҳам катта режаларимиз бор. Бунда, аввало, сизларга таянамиз. Ҳар бир билимли ёш – Ватан ҳимоячиси*”, дея таъкидлади. Ўз ўрнида таълим тизимидаги янгиликлар, ёш авлодга яратилаётган шароитлар, илмий-ижтимоий лойиҳалар ҳақида сўз юритди, янги ташаббуслар юзасидан фикрлашди.

Президентимиз жойларда амалга оширилаётган ишларга ўз баҳосини бериш баробарида, эскича ишлаш билан узоққа бориб бўлмаслигини, ҳокимлар, сектор раҳбарлари ўзгариши кераклигини қайд этди. Бу барча даражадаги раҳбарлар зиямасидаги масъулиятни оширди. Шу кундан бошлаб ҳар бир соҳада ривожланишдан иборат янги давр бошланди.

Бир сўз билан айтганда, бизнинг вазифамиз билдирилган ишонччи оқлаш, масъулиятни ошириш ва Андижонимизни янада ривожлантириш. Бу ҳар биримизнинг бош мақсадимизга айланди.

Ассий мақсад — аҳоли бандлигини таъминлаш

“Ўзбекистон – 2030” стратегиясида 2026 йилга қадар камбағалликни 2022 йилга нисбатан икки баробар, 2030 йилга қадар эса кескин қисқартириш белгиланган. Камбағалликка тушиш хавфи мавжуд бўлган 4,5 миллион аҳоли даромадини ошириш, ижтимоий шериклик асосида 500 минг малакали мутахассис тайёрлаш мақсад қилинган.

Олтиной МАМИРОВА,
Олий Мажлис Қонунчилик палатасидаги «Адолат» СДП фракцияси аъзоси

Давлатимиз раҳбари ҳудудларга ташрифлари давомида ҳам аҳоли бандлигини таъминлаш борасидаги ишларга алоҳида эътибор қаратмоқда. Жумладан, жорий йилнинг 15-16 февраль кунлари Андижон вилоятига амалга оширилган ташриф давомида вилоят аҳолиси бандлигини таъминлаш борасидаги ишлар ҳолати ва сифати билан яқиндан танишди.

Шу ўринда айтиб ўтиш жоизки, олдинги ташрифлар давомида белгилаб берилган вазифа ва чора-тадбирларнинг ҳаётга татбиқ этилиши натижасида вилоятда ишсизлик даражаси 7 фоизга камайган. Аҳолининг тадбиркорликдан олаётган даромади 1,5 бараварга ошиб, 225 минг аҳоли ўзини ўзи банд қилган.

Аммо Андижон вилоятининг мард ва олижаноб, меҳнаткаш аҳолиси саложияти ҳамда ҳали ишга солинмаган имкониятлари ҳисобга олинса, янада юқори марраларга эришиш, ишсизлик даврасини батамом бартараф этиш имкониятлари мавжуд. Шу боис ташриф давомида Президентимиз томонидан вилоятдаги 400 минг аҳолини

камбағалликдан олиб чиқиш, битирувчи ёшлар бандлигини таъминлаш борасида қилиниши лозим бўлган галдаги вазифалар белгиланган.

Хусусан, ишсиз аҳоли ва ёшлар касб-хунарга ўқитиладиган ҳамда Хитой таърибаси асосида маҳаллалар четда иссиқхоналар ташкил этилиб, эҳтиёжманд оилаларга бўлиб бериладиган бўлди.

Маълумки, Андижон вилояти нафақат мамлакатимизда, балки минтақа давлатлари орасида ҳам автомобилсозлик соҳасида етакчи ҳисобланади. Айни кунда вилоятда автомобилсозлик йўналишида 12 та йирик ва 160 дан орттиқ маҳаллий корхона фаолият кўрсатмоқда. Уларда 17 минг нафар аҳоли бандлиги таъминланган. Эндиликда аҳоли бандлигини янада ошириш учун эҳтиёт ва бутловчи қисмларни кооперация асосида маҳаллаларда ишлаб чиқариш кенгайтирилади. Бу жараёни туманида керамик плита, Марҳамат ва Бадиқчи туманларида чинни буюмлар корхоналари ташкил этилади.

Шунингдек, вилоятда ип-калавани қайта ишлаш даражаси 100 фоизга

Munosabat

ИЖТИМОЙ ҲИМОЯ

ЭЪТИБОР МАРКАЗИДА



1 Ижтимоий соҳа бўйича хизматни маҳалла даражасида манзилли, шаффоф ва адолатли ташкил этиш энг оқил йўл экани аини ҳақиқат. Президент ўртага ташлаган устивор вазифаларни Ўзбекистон «Адолат» социал-демократик партияси фаоллари тўла-тўқис маъқуллайдилар.

Партияимиз дастурларида бу соҳа ҳам эътибор марказида бўлиб келмоқда. Аҳолининг ижтимоий ҳимояга муҳтож қатлами тўлақонли ҳимоя қилиш, имконияти чекланган шахсларни ўқитиш, касбга ўргатиш, адабиётлар билан таъминлаш, уларга дори-дармонлар, протезлар етказиб бериш, қобилият даражасида спорт ва иш билан машғул бўлишлари учун имкониятлар яратиш белгиланган.

Дастурда кўзда тутилган мақсадларни амалга ошириш борасида Наманган вилоят кенгаши то-

монидан декабрь-январь ойларида бир қатор ижобий ишлар амалга оширилди.

Жумладан, вилоят кенгаши фаоллари Наманган давлат университети билан ҳамкорликда шаҳар қон қуйиш марказида акция ўтказди ва бу жараёнда юзлаб кўнгилчилар иштирок этишди. Партиянинг “Ёшлар қаноти” етакчиси Шахзод Нўмонов бир гуруҳ фаол талабалар билан вилоят кўп тармоқли болалар тиббиёт марказида бўлиб, бу ерда даволанаётган ҳажжигарга турли-туман ўйинчоқлар тақдим этди.

Бундан ташқари, ҳудудлардаги имконияти чекланган, ногиронлиги бор шахслар ҳолидан хабар олиш, уларнинг мурожаатлари билан ишлашда ҳам партия етакчилари ўрнатилган бўлишмоқда. Чунончи, Тўрақурғон туман кенгаши раиси Захроҳон Аҳмедова «Туркистон» маҳалла фуқаролар йиғи-

нида яшовчи иккинчи гуруҳ ногиронлари Захроҳон Низомова, Зулфияхон Тўрабоевага, Поп туман кенгаши раиси Зафаржон Ҳасанов «Қандигон» маҳалла фуқаролар йиғинида яшовчи Алижон Тўйчиев, Эркиной Омонова, Саломат Худойбердиева, Баҳром Тошпўлатов, Тўшби Қўйғировга совғалар ҳадя этишди. Чортоқ туман кенгаши раиси Ҳабибхон Мирабдуллаева «Дамариқ» маҳалла фуқаролар йиғинида яшовчи Барчиной Ҳасанованинг мурожаатини ўрганиб, беморни шифохонага жойлади.

Наманган шаҳар кенгаши раиси Мирзаҳамид Олимов Ногиронлар уюшмасида бўлиб, бу ерга таклиф этилган иккинчи гуруҳ ногиронлари Абдураҳмон Тожибоев, Ёқутхон Ёқуббоева, Зухраҳон Ғофуровага кийим-бош совға қилди. Янгиқўрғон туманидаги «Радиовон» маҳалла фуқаролар йиғинида яшовчи биринчи гуруҳ ногирони

Убайдулла Тумановга озиқ-овқат маҳсулотларини топширди. Вилоят кенгаши раиси ўринбосари Баҳодир Болтабоев ҳам ҳиммат кўрсатиб, бир гуруҳ ногиронларга ҳадя улашди. Вилоят кенгаши раиси, халқ депутатлари Косонсой туман Кенгаши депутати Исроилжон Жўраев «Намуна» маҳалла фуқаролар йиғинида яшовчи биринчи гуруҳ ногирони Назира Иброҳимова ва «Нурафшон» маҳалла фуқаролар йиғинида яшовчи биринчи гуруҳ ногирони Феруза Воҳидова хонадонига ташриф буюриб, беморларга совғалар улашди ва уларнинг мурожаатларини қаноатлантириш учун масъулларга депутатлик сўрови йўллади. Халқ депутатлари вилоят кенгаши депутати Мусоҳон Олпоқов Чортоқ туманида яшовчи биринчи гуруҳ ногирони Мунира Ражаббоевага электрон аравача топширди.

Наманган вилоят кенгаши матбуот хизмати

Таълим — барқарор келажак гарови

Таълим тизимида олиб борилаётган ислохотлар таълим-тарбия даражасини ривожлантириш билан бирга, фарзандларимизнинг сифатли ва мазмунли билим олишларига шароит яратмоқда. Сўнгги йилларда қабул қилинган қатор ҳужжатларнинг ижроси боис таълим сифати ва самарадорлигига эришиш борасида ижобий натижалар қўлга киритилмоқда.



Жасур ҚАРШИЕВ,
“Адолат” СДП Жиззах вилоят кенгаши раиси ўринбосари

Буни нафақат таълим соҳаси вакиллари, балки бошқа соҳа вакиллари ҳам ҳис этиб турибди. Шу билан бирга, ўз ечимини кутаётган, зудлик билан бартараф этилиши лозим бўлган муаммолар ҳам бор. Бинобарин, жуда катта маблағ талаб этилса-да, ривожланган мамлакатларнинг замонавий инновацион технологияларини юртимиз амалиётига жорий этишдек муҳим вазифаларни ҳал этиш даркор.

Давлатимиз раҳбари раислигида 5 февраль куни ижтимоий соҳалардаги устувор вазифалар муҳокамаси юзасидан ўтказилган видеоселектор йиғилишида ҳам масъур масалага алоҳида эътибор қаратилди.

Президентимиз йиғилишда таълим тизимини ислоҳ қилиш бўйича мамлакатимизда амалга оширилаётган ислохотлар, бу борада олдимизда турган долзарб вазифалар ҳақида фикр юритар экан, барча мактабгача таълим муассасаларини миллий кадриятларимизга мос ўқув-методик материаллар билан таъминлаш, мактаб таъминоти, давомат, бадал пули каби жараёнларни тўлиқ рақамлаштириш, Таълимни ривожлантириш илмий-методик маркази билан биргаликда мактабларда математика, физика, кимё, биология ва хорижий тиллар бўйича ўқув режа ва дастурларини халқаро стандартлар асосида янгилаш, ўқувчи ва муаллимлар билимини баҳолашда халқаро тажрибалар (PISA, TIMSS, PIRLS)ни босқичма-босқич жорий этиш зарурлигини алоҳида таъкидлади.

Шунингдек, Президент мактабларининг таълим дастури яна мингта мактабда қўлланилиши, 50 та касб-хунар рўйхати тузилиб, улар бўйича ўқув ва амалиёт дастурлари ишлаб чиқирилиши, мактаблардаги бўш жойлар тадбиркорларга ўқувчиларни касб-хунарга ўқитиш учун текин фойдаланишга берилиши, 2 мингта инспектор-психолог штати Ички ишлар вазирлигиндан Миллий гвардия тизимида ўтказилиши, “Мактаб – ота-она – маҳалла” занжир асосида электрон мулоқот платформаси ишга туширилиши белгиланди.

Бундан ташқари, талаб юқори бўлган 100 та касб стандартлари Германия, Швейцария ва Буюк Британия тажрибаси асосида янгиланиши, техникумларда ҳам “кредит тизими” жорий қилиниб, фанни ўзлаштириш бўйича тўпаланган “кредитлар” олийгоҳларда тан олинмадиган тизим бўлиши эътироф этилди.

Мутасаддиларга хорижий тажриба асосида олийгоҳ, техникум ва коллежни бир-бирига боғлаш шартлари ва тартибини ишлаб чиқиш, олий таълим муассасаларига мақом беришнинг аниқ меъzonларини белгилаш, бакалавр йўналишларини мақбуллаштириш, таълим дастурларини дунёдаги 300 та энг яхши олийгоҳ дастури асосида янгилаш вазифаси қўйилди.

Давлатимиз раҳбарининг мазкур йиғилишда белгилаб берган вазифаларининг ҳаётга изчил татбиқ этилиши фарзандларимизнинг сифатли ва мазмунли билим олишида кескин бурилиш ясаши шубҳасиз.

Илм – инсоннинг ягона нажот йўли. Барча муаммоларнинг ечими, албатта, илм соҳибларига боғлиқ. Зеро, энг оддий жабҳалардан тортиб, оламшумул ишларнинг ортида ҳам олим ва илм аҳилларининг хизматлари ётади.



етказилади, 2024 йилда 150 миллион долларлик бўяш ва тайёр кийим ишлаб чиқариш лойиҳалари яқунланиб, 6 мингта иш ўрни яратилади. Тўқимачилик корхоналарига Италиядан дизайнлар олиб келинади. Бу эса маҳсулотларни сифатли ва халқаро стандартлар даражасида ишлаб чиқариш имконини беради.

Шу билан бирга, вилоятда муносабат таркибли дори ва тиббий буюм ишлаб чиқариш бўйича 7 та лойиҳа амалга оширилади. Олий таълим муассасаси билан бирга фармацевтика кластери ташкил қилинади. Ушбу 7 та лойиҳанинг амалга оширилиши натижасида янги иш ўринлари яратилади, аҳоли саломатлигини асраш, сифатли дори воситаларини ишлаб чиқариш борасида ҳам муайян натижаларга эришилади.

Вилоятда аҳоли бандлигини таъминлашдаги яна бир муҳим соҳа – бу қишлоқ хўжалиги йўналиши ҳисобланади. Сабаби, вилоят деҳқонлари қишлоқ хўжалиги, хусусан, пахтачилик йўналишида ҳам катта мактаб яратган. Галдаги вазифа етиштирилган қишлоқ хўжалиги маҳсулотларини тўлиқ қайта ишлаш орқали аҳоли даромадини ошириш саналади. Бу жараёни “Асака текстиль” кластерининг тўқимачилик корхонаси мисолида ҳам кўриш мумкин. 2022 йил августда ишга туширилган корхона бугунги кунда 83 миллион долларлик лойиҳа эвазига хом-

ашёдан тайёр маҳсулотгача бўлган тўлиқ “занжир” асосида фаолият кўрсатмоқда.

Хусусан, кластер тизимида Андижон вилоятининг Улуғнов ва Жалақудук туманлари ҳамда Хоразм вилоятининг Янгибозор туманида 11 минг 200 гектар майдонда пахта етиштирилади. Шундан 2 700 гектарида томчилаб суғориш йўлга қўйилган. “Асака текстиль” кластерининг тўқимачилик корхонасига Швейцария, Италия, Туркия, Германия, Япониядан ускуналар келтириб ўрнатилган. У йилга 11 минг тонна ип-калаваси, 8 минг тонна момик ва трикотаж мато, 12 минг тонна ип ва матони бўяш, 6 минг тонна тайёр трикотаж ва сочиқ ишлаб чиқариш қуввати эга. Энг муҳими, корхонада 3 минг 200 киши бандлиги таъминланган.

Умуман олганда, ташриф давомида энергетика, электротехника, машинасозлик, тўқимачилик, қурилиш материаллари, фармацевтика, қишлоқ хўжалиги, таълим ва инфратузилма каби муҳим соҳаларда бошланган ислохотларни изчил давом эттириш, муносиб меҳнат ҳақиға эга бўлган иш ўринларини яратиш орқали аҳоли бандлигини таъминлашга оид қатор вазифа ва режалар белгилаб берилди. Ушбу режаларнинг ҳаётга татбиқ этилиши барча андижонликларни қувонтириб, юртимиз тараққиёти йўлида бир жону, бир тан бўлиб ишлашга ундайди.

“Саховат – беназир қадрият”

МУРУВВАТ — МЕХР ЧАШМАСИ

Тараққиётнинг асл стратегияси юртимизда яшаётган ҳар бир фуқаронинг ҳуқуқ ва эркинликларини таъминлаш, ижтимоий ҳимояга муҳтож қатламларга моддий кўмак бериш ҳисобланади. Мамлакатимизда ногиронлиги бўлган инсонларга доим эътибор қаратиб келинган. Уларнинг ижтимоий ҳимояси учун Президентимиз томонидан кўплаб фармон ва қарорлар қабул қилинган. Бу ҳужжатларнинг ижроси эса доимий назоратда бўлиб, белгиланган режалар босқичма-босқич амалга оширилмоқда.



Бу борада “Адолат” СДП Тошкент шаҳар кенгаши саъй-ҳаракатлари эътирофга лойиқдир. Турли хайрия тадбирлари партия томонидан мунтазам равишда ўтказиб келинмоқда. Ижтимоий ёрдамга муҳтож ва ногиронлиги бор шахслар ҳолидан хабар олиш, уларнинг муаммоларига ечим топишда бир қатор хайрли ишлар амалга оширилмоқда.

Партиянинг “Саховат – беназир қадрият” лойиҳаси доирасида “Адолат” СДП Тошкент шаҳар кенгаши раиси Муҳаррам Дадаходжаева томонидан пойтахтимизнинг Олмасор ва Юнусобод туман-

ларида истиқомат қилаётган ногиронлиги бўлган шахсларнинг муаммолари ўрганилди. Ижтимоий ҳимояга муҳтож шахсларга озиқ-овқат махсулотлари ва керакли дори-дармонлар олиб берилди. Шулардан бири – Олмасор тумани Ғалаба маҳалласида яшовчи 1 гуруҳ ногирони Хусан Аҳмедовни қийнаётган муаммо ҳақида Олмасор туман тиббиёт бирлашмаси раҳбариятига етказилиб, март ойининг биринчи ўн кўнлигида Тошкент шаҳар шифоналари-дан бирига йўлланма орқали даволанишга юбориш келишиб олинди.

Албатта, бундай чора-тадбирлар имконияти чекланган инсонларнинг ўз ҳаётидан, ҳукуматимиздан кўнгли тўлишига, шунинг баробарида, фаровон турмуш кечирishларига замин яратмоқда. Уларга кўрсатилаётган меҳр-мурувват, ҳам моддий, ҳам маънавий томондан кўллаб-қувватлашлар халқимиз ва давлатимизнинг нақадар бағрикенг, инсонпарвар эканлигини яна бир қарра исботлайди.

“Адолат” СДП Тошкент шаҳар кенгаши матбуот хизмати



Мамлакатимизда ёлғиз, қаровчисиз, ўзгалар парваришига муҳтож, ногиронлиги бўлган инсонлар ҳақида халқимиз эъзоз ва эътиборида яшайди, давлатимиз томонидан ижтимоий ҳимояга олинади.

Айни кунда “Адолат” СДП Қорақалпоғистон Республикаси Кенгаши ташаббуси билан бир гуруҳ партия фаоллари, Қорақалпоғистон Республикаси Жоқорғи Кенгесининг “Адолат” СДП фракцияси депутати Г. Айимбетова, халқ депутатлари Нукус шаҳар Кенгаши депутати А. Абдриймова ва “Ақ ўтов” МФЙ раиси Қ. Насиров Нукус шаҳридаги “Ақ ўтов” ва “Тунғиш қонис” МФЙдаги ногиронлиги бўлган шахслар ҳолидан хабар олишди.

Партия вакиллари маҳаллада яшаётган меҳр ва эътиборга муҳтож инсонлар билан дилдан суҳбатлашмишди ва уларга совға-саломлар, кўтаринки кайфият улашмишди. Саховатпеша юртдошларимиздан мамнун бўлган фуқаролар она-Ватанимизда инсон, унинг қадри, шаъни нечоғли улуғ эканлигини яна бир бор ҳис этиб, юртимиз тинчлиги, халқимиз фаровонлигини тилаб дуо қилишди.

“Адолат” СДП Қорақалпоғистон Республикаси Кенгаши матбуот хизмати

Халқимизга хос эзгу қадриятлардан бири бу ўзгалар кўмагига муҳтож инсонларни қўллаб-қувватлаш, уларга кўмак беришдир.



Биз, адолатчилар “Ижтимоий тенглик – тенг ҳуқуқ ва тенг масъулият демакдир” тамойилига таянган ҳолда жамиятдаги ижтимоий тенгликни таъминлайдиган, ҳар бир фуқаронинг қобилияти ҳамда малакаси-дан келиб чиққан ҳолда меҳнат қилиши қафо-латланадиган, ўз меҳнатининг миқдори ва сифати-га яраша муносиб иш ҳақи ва ҳаёт даражасига эри-шиши учун кенг имкониятлар яратилган ижтимоий давлат қуриш учун курашамиз. Шу боис ҳам “Адолат” социал-демократик партияси ҳеч қачон тақдир синовлари туфайли турфа қийматларга рўбарў бўлган инсонларни ёлғизлатиб қўймайди.

“Адолат” СДП Фарғона вилояти кенгаши раиси Шаҳноза Ғаниева бу галги сайёр қабулни ҳаёт синовлари туфайли тўшаққа миҳланиб қолган, ўзгалар кўмагига муҳтож инсонлар хонадонларида ўтказишга аҳд қилди.

Фарғона шаҳридаги “Симтепа” маҳалла фуқаролар йиғинида истиқомат қилувчи Муроджон Мадалиев 32 ёшда. Ногиронлиги аравачаси доимий ҳамроҳига айланган. Онаси Гулсалхон Мадалиеванинг саломатлигида ҳам жиддий муаммолар борлиги боис ногиронлиқ нафақасида. Унинг оила аъзоларига давлатимиз томонидан ижтимоий ҳимоя кўрсатилаётган бўлсада, Муроджоннинг ниятлари катта. Ҳовлиси четда енгил конструкцияли савдо дўконига эга бўлишни, ўзи меҳнат қилиб, даромад олиши орзу қилади.

Мазкур маҳалланинг “Хидоят” кўчасида истиқомат қилувчи Севарахон Ортиқова ҳам 1 гуруҳ ногирони. 1 нафар фарзанднинг онаси. Фарзанднинг бахти, камолини қуриш учун тезроқ соғайиб, оёққа туришни ният қилади. Севарахон суҳбат давомида соғлигини тиклаш учун зарур бўлган дори-дармонлар билан бепул таъминланишига ёрдам беришни илтимос қилди.

Маҳалланинг “Обиҳаёт” кўчасида яшовчи Лазо-катхон Абдулҳамидова ҳам 1 гуруҳ ногирони. Ўзгалар кўмагига муҳтож онахон даволаниш учун вилоят Соғлиқни сақлаш бошқармаси томонидан бериладиган ордерга муҳтож. Онахоннинг мурожаати депутатлик гуруҳи назоратида ижобий ҳал этилади-ган бўлди.

Имконияти чекланган юртдошларимизнинг орзулари сизу бизники каби катта эмас. Энг муҳими, соғлиқ ва озгина маънавий кўмак даркор. Фарғона шаҳридаги Саккокий номли кўчада истиқомат қилувчи 74 ёшли Озодахон Қодированинг илти-моси шу кунги ижобий ҳал этилди. Келини Лобар-хон “Ибратли бекам” ўқув марказида бепул ўқиши учун йўлланмага эга бўлди.

Шаҳардаги “Янгисой” маҳалла фуқаролар йиғи-нида истиқомат қилувчи Қаримахон Маматбекова фарзанди Хайрулло Абдувалиевни ўзгалар кўма-гига муҳтожлиги боис, уни қаровсиз ташлаб кетол-майди. Шу сабабли меҳнат стаж билан боғлиқ му-аммоларга дуч келган.

Сайёр қабул давомида фуқароларга зарур бўлган озиқ-овқат махсулотлари топширилди ва “Адолат” СДП Фарғона вилоят кенгаши раиси Шаҳноза Ғаниева ҳамда партиянинг депутатлик гуруҳлари, Фарғона шаҳар “Инсон” ижтимоий хиз-матлар маркази мутахассислари билан ҳамкор-ликда ҳар бир фуқаронинг муаммоларини ижо-бий ҳал этиш юзасидан тегишли чора-тадбирлар белгиланди. Инсон қадри улуғланган юрда яшар эканмиз, юқоридagi каби ватандошларимизнинг яхши яшашлари учун ўз кўмагимиз ва ғамхўрли-гимизни аямаймиз.

“Адолат” СДП Фарғона вилоят кенгаши матбуот хизмати

Боқувчисини йўқотган ёлғиз қарияларга, ногиронларга ҳиммат кўрсатиш, уларнинг аҳволидан узуқсиз хабар олиш каби саховатли ишлар алоқадор идоралар ходимларининг иши бўлибгина қолмай, балки кенг жамоатчиликнинг ҳам буржидир.

Давлатимиз раҳбарининг бу борадаги хайрли кўрсатмаларини амалга оширишда қадимдан ўз аҳа-ми-ятини йўқотмай келаётган анъаналаримиз кўл кел-моқда. Шарқона меҳр-оқибатни дилларига жо қилган “Адолат” СДП Қашқадарё вилоят кенгаши фаоллари вилоят “Нуроний” жамғармаси вакиллари билан ҳамкорликда Касби туманидаги Оққамиш МФЙда яшовчи биринчи гуруҳ ногирони Ҳабиба Сулаймо-нова ва унинг ногирон ўғли Хусан Алимов хонадо-нига боришди. Қишнинг охириги кўнларидида ногирон она ва болага ногиронлик аравачаси ҳамда совға-лар тақдим этилганидан уларнинг кўнгли тоғдек кўтарилди. Саховатли инсонларни дуо қилишди.



– Саҳий қалб эгаларининг кўрсатган саховати, меҳр-муруввати мен учун ниҳоятда қадрли, – деди Ҳабиба Сулаймонова.

Шунингдек, партия фаоллари томонидан Косон туманидаги “Раҳимсўфий” МФЙда умргузаронлик қилаётган биринчи гуруҳ ногиронлари Жасур Акра-мов, Зулайхо Файзуллаевага даволанишлари учун ордер олишларига ёрдам берилди. Қўдала туманидаги “Қўшарик” МФЙда яшовчи Сурайё Аҳмедова ва Яхёбек Азаматовга уй-жойининг кадастр хужжа-тини тайёрлашда ҳамда зарур озиқ-овқат махсу-лотлари билан таъминлашда, Шаҳрисабз тумани “Чоршанбе” МФЙда яшовчи биринчи гуруҳ ногирони Санобарой Хуррамовага эса электрон ногиронлик аравачаси олишига кўмаклашилди.

“Адолат” СДП Қашқадарё вилоят кенгаши матбуот хизмати

Ҳудудлардан хабарлар

Давлатимиз раҳбари Шавкат Мирзиёев раислигида ўтказилган видеоселектор йиғилишида ижтимоий соҳалардаги устувор вазифалар муҳокама қилинди. Хусусан, унда аҳоли турмуши учун муносиб шароитлар яратиш, таълим, соғлиқни сақлаш, маданият ва спорт соҳаларини ривожлантириш бўйича амалга оширилаётган ишларга алоҳида эътибор қаратилди.

Мактаб ва маҳалла ҳамкорлиги кучайтирилади

“Адолат” СДПдан сайланган халқ депутатлари Қибрай тумани Кенгаши депутати Дониёр Юсупов ушбу йиғилишда белгиланган устувор вазифалар ижроси бўйича кўрилаётган чоралар ҳақида тўхталиб ўтди:

– Таъкидлаш керакки, Президентимиз раислигида ташкил этилган йиғилишда ижтимоий масалалар, хусусан, таълим соҳасидаги ислохотларга катта аҳамият берилди. Айтиб ўтилганидек, кейинги етти йилда мактаб-гача таълимда қамров 27 фоиздан 74 фоизга етди. Янги мактаблар қури-либ, қўшимча 700 миңга ўқувчи ўрни яратилди. Президент мактаблари таш-кил этилди, ихтисослаштирилган мактаблар кўпайди.

Йиғилишда нафақат тизимда бажарилган ишлар, балки соҳадаги камчи-ликлар таҳлил қилиниб, жорий йилги вазифалар белгиланди. Муаммолар-нинг ечимлари бўйича кўрсатмалар берилди.

Президентимиз таъкидлаганидек, маҳалла раиси мактабда тарбия ва да-во-мат масалалари, ота-оналар билан ҳамкорлик қилиш билан қизикмайди, ту-ман ҳокимлари, ёшлар ва ижтимоий масалага масъул ўринбосарлар мактабда маънавият ва спорт тадбирларини ташкил этишга эътиборсиз бўлмоқда.

Аксарият маҳаллаларда мактаблар, таълим масканлари билан алоқа етарли даражада ўрнатилмаган ва бунинг натижасида узуқсиз дарс қол-дирадиган, мактаб ўқувчиларининг қийиниш, юриш-туриш одобларига риоя қилмайдиган, ҳуқуқбузарликка мойил ўқувчилар сони ортмоқда. Акса-рият ота-оналар эса тарбияни бутунлай мактабга юклаб қўйишган. “Ои-ла-маҳалла-таълим муассасаси” ҳамкорлиги деярли ўрнатилмаган.

Мактаблардаги инспектор-психологлар штати Ички ишлар вазирлигидан Миллий гвардия тизимига ўтказилиши белгиланди.

Шу талаблардан келиб чиқиб, Тошкент вилояти Қибрай туманидаги мактаб-лар фаолиятини ўрганиш ва мавжуд муаммоларга ечим излаш борасидаги чо-ралар кўрилмоқда. Хусусан, тумандаги 4-умумтаълим мактабида бўлиб ўт-ган “Маърифат”, “Мирзо Улугбек”, “Фидокор”, “Бойжигит” маҳалла бешлиги ва ота-оналар иштирокида кенгайтирилган йиғилишда айнан шу масалалар атрофлича таҳлил қилинди.

Хусусан, тадбирда Қибрай тумани миллий гвардияси масъуллари иштирок этиб, ўқувчиларнинг давомати, бу борада ота-оналарнинг масъулияти, мунта-зам сабабсиз дарс қолдирилган ўқувчиларнинг ота-оналарига қонунчиликда белгиланган жавобгарлик ҳақида тушунчалар берилди.

Ёшларнинг буш вақтларини мазмунли ташкил этиш мақсадида мактабда яратилган шароитлар, спорт секциялари, кутубхона фаолияти, касбга йўнал-тириш бўйича ташкил этилган IT курслари, тикувчилик, хорижий тил тўғара-клари ташкил этилгани ва ота-оналардан фақат фарзандини назорат қилиши тушунирилди. Унда видеоселектор йиғилишида белгиланган вазифалар асо-сида чора-тадбирлар белгиланди ва унинг ижроси мунтазам назоратга оли-ниши таъкидланди.

Мухтасар айтганда, оиладаги таълим-тарбия, маънавий-ахлоқий қадрият-лар кейинчалик одамлар орасида маҳалла-қўйда, таълим муассасаларида сайқал топади. Шундай экан, Ватанимиз ва халқимизнинг эртанги кунини, жаҳон ҳамжамиятидаги обрў-эътиборини белгилловчи баркамол авлодни вояга етказишдек улуғ вазифани “Оила-маҳалла-таълим муассасаси” ҳамкор-лигисиз ҳал этиб бўлмайди.

Манба: uza.uz

ТОЗАЛИК ЙЎЛИДА БИРЛАШАЙЛИК

Хива туман ҳокимлигида халқ депутатлари Хива ту-ман Кенгашининг навбатдаги сессияси бўлиб ўтди.

Замира АБДУЛЛАЕВА,
“Адолат” СДП Хоразм вилоят кенгаши матбуот котиби

Сессия кун тартибида Ўзбекис-тон “Адолат” социал-демократик партиясининг “Тозалик йўлида бир-лашайлик” лойиҳаси доирасида халқ депутатлари Хива туман Кенгаши де-путатлик гуруҳи аъзолари томонидан олиб борилган ўрганишлар натижа-лари сессия кун тартибида муҳокама этилди.

Туман ҳудудидаги кўчалар, таш-килот ва муассасаларнинг атроф муҳит тозаллигига риоя қилиш, чиқин-диларни ўз вақтида олиб кетиш, ариқ-зовурларнинг тозалик ҳолат-лари тўғрисида туман кенгаши де-путатлик гуруҳи раҳбари Мақсуд Эшнйезовнинг ҳисоботи ешитилди.

Музокаралар ва савол-жавоблар-дан сўнг маҳаллалар ҳудудларида ободонлаштириш ишлари талаб да-ражасида эмаслигига маҳалла фуқа-ролар йиғинлари раислари ҳамда корхона ва ташкилотлар раҳбарла-рининг эътибори қаратилди.

Корхона ва ташкилот раҳбарла-рига ўзлари фаолият юритаётган жойларда тозалликка риоя қилиш бўйича махсус дастур ишлаб чиқиш, аҳолини санитария-гигиена ва тиб-бий маданиятини оширишда тегишли ташкилотлар билан ҳамкорликда сайёр учрашувлар ва давра суҳбат-лари ташкил этиш, атроф-муҳитни озода сақлашда кенг жамоатчиликни жалб этган ҳолда оммавий хашар-ларни ташкил қилиш ва уларда аҳо-лининг фаол иштирокини таъмин-лаш вазифаси юклатилди. Шунинг-дек, аҳоли яшаш пунктлари ва унга яқин ҳудудларда тўпланиб қолган турли чиқиндиларни ўз вақтида олиб

Туман марказий кўчаларида обо-донлаштириш ишлари алоҳида эътибор қаратиш туман ободон-лаштириш бошқармаси бошлиги ҳамда аҳоли яшаш пунктлари ва унга яқин ҳудудларда тўпланиб қолган турли чиқиндиларни ўз вақтида олиб ташлаш масаласига “Экокластер” МЧЖ Хива туман бўлими раҳбари-нинг эътибори қаратилди.

Мазкур қарор ижросини назорат қилиш халқ депутатлари Хива туман Кенгашининг саноат, транспорт, қури-лиш, коммунал масалалари ва аҳо-лига хизмат кўрсатиш масалалари бўйича доимий комиссиясига топи-рилди.



Болалар зўравонликдан ҳимоя қилинади

Олий Мажлис Қонунчилик палатасидаги “Адолат” СДП фракциясининг навбатдаги йиғилишида “Болаларни зўравонликнинг барча шаклларида ҳимоя қилиш тўғрисида”ги қонун лойиҳаси биринчи ўқишда муҳокама қилинди.

Сўнгги йилларда мамлакатимизда болаларнинг ҳуқуқлари ва қонуний манфаатларини ҳимоя қилиш, уларнинг баркамол авлод бўлиб улғайишини таъминлаш, маънавий ва жисмоний ривожланиши учун зарур шарт-шароитлар яратиш борасида кенг қўламли ишлар амалга оширилмоқда.

Хусусан, вояга етмаганларни меҳнатга маъмурий тарзда мажбурлаганлик учун жавобгарлик қўйиш, тарбия муассасаларини тамомлаган уй-жойга муҳтож етим болалар ва ота-она қарамоғидан маҳрум бўлганлар турар жойлар билан таъминланмоқда.

Партия Сайловолди дастурида ҳам ёшларни ҳар томонлама қўллаб-қувватлаш, уларнинг ҳуқуқ ва эркинликларини ҳимоя қилиш тизимини тубдан қайта шакллантириш, ёшларнинг долзарб муаммоларини фаол ва самарали ечиш устувор вазифа сифатида ўрин

олган. Қонун лойиҳасида назарда тутилган янгиликлар партия ғоя ва мақсадларига уйғун ва ҳамоҳангдир.

Ушбу қонун лойиҳасида болаларни зўравонликдан ҳимоя қилиш соҳасидаги давлат сиёсатининг асосий йўналишлари, болаларни зўравонликдан ҳимоя қилишга масъул давлат органлари ва ташкилотлар ҳамда уларнинг ваколатлари белгиланмоқда.

Шу билан бирга, болаларга нисбатан зўравонлик шакллари таъриф берилиб, унга аниқлик киритилмоқда. Зўравонликдан жабрланувчи, деганда ўзларига нисбатан зўравонлик содир этилиши хавфи остида бўлган болалар тоифалари (етим, назоратсиз, ақлий ривожланишда нуқсонли бор, тиланчилик билан шугулланаётган болалар) кўзда тутилади.

Қонун ташаббускорларининг



фикрича, ушбу лойиҳанинг қабул қилиниши болаларни зўравонликнинг барча шаклларида ҳимоя қилиш соҳасидаги муносабатларни тартибга солиш, болаларга нисбатан зўравонлик ҳолатларига мурасасиз муносабатда бўлиш ва зўравонлик содир этган шахсларга нисбатан жавобгарлигининг муқаррарлигини таъминлашга хизмат қилади.

Муҳокама қилинган бўлиб, уларнинг ҳуқуқлари, эркинликлари ва қонуний манфаатлари бузилганлиги тўғрисида маълум бўлган пайтдан эътиборан олти ой ичида судга берилиши мумкин.

Хусусан, фракция аъзолари оилада зўравонлик қурбони бўлаётган бола номидан учинчи шахслар, яъни, қўшниси ёки қариндоши мурожаат қилиши мумкинми, деган саволни ўртага ташладилар. Қонун ташаббускорлари ушбу масала юзасидан атрофлича тушунтириш беришди.

Қизғин баҳс-мунозаралардан сўнг қонун лойиҳаси депутатлар томонидан маъқулланди.

Қашқадарё вилоятининг Яккабоғ туманида қалбаки дори воситаларини сотаётган шахслар ушланди.



Саломатлик кушандалари

Маълум қилинишича, департаментнинг Қашқадарё вилоят бошқармаси томонидан божхона бошқармаси ҳамда Фармацевтика маҳсулотлари хавфсизлиги маркази Қашқадарё бўлинмаси ходимлари билан ҳамкорликда Яккабоғ тумани “Жанбун” МФЙ ҳудудида ўтказилган тезкор тадбирда фуқаро С.Б. фуқаро А.А.га “Банксейф”, “Занасейф”, “Гансейф” ва “Гандсейф” номли жами 3 767 дона қалбаки дори воситаларини 54 миллион сўмга сотган вақтида ашёвий далиллар билан ушланган.

Шунингдек, ушбу дори воситаларининг келиб чиқиш манбасини аниқлаш мақсадида давом этган тадбирда бошқа бир фуқаро Л.Д. фуқаро С.Б.га ушбу дори воситаларини 26 миллион сўмга сотгани аниқланиб, унинг хонадонидagi ёрдамчи хўжалигидан умумий баҳоси 1,3 миллиард сўмлик, жами 14 909 дона қалбаки дори воситалари ашёвий далил сифатида олинган.

Маъмур ҳолатлар юзасидан Жиноят кодексининг 186-3-моддаси (сифатсиз ёки қалбакилаштирилган дори воситаларини ёхуд тиббий буюмларни ўтказиш мақсадида ишлаб чиқариш, тайёрлаш, олиш, сақлаш, ташиш ёки ўтказиш) билан жиноят иши қўзғатилиб, тергов ҳаракатлари ўтказилмоқда.

Бош прокуратура ҳузуридаги Иқтисодий жиноятларга қарши курашиш департаменти матбуот хизмати

Жиноятга жазо муқаррар

Қайнона ҳовлисидаги қотиллик

Эр-хотин ўртасидаги ўзаро ишончсизлик, рашк ва шубҳа-гумонлар инсонни не-не гуноҳларга бошламайди, дейсиз. Ҳатто, энг қабиҳ жиноятга ҳам етаклайди. Узоққа бормайлик, бундай ҳаёт мисолларни ёнгинамизда – бир маҳалла, битта қишлоқ ёки бир даҳада истиқомат қилаётган аҳоли орасида ҳам қўришимиз мумкин.

Аброржон ОМОНОВ,
жиноят ишлари бўйича
Учкўприк туман суди раиси

Данғара туманида яшовчи Афзал Мирҳақимов (исм-шарифлари ўзгартирилган) 2021 йилда қўшни Учкўприк туманидан бўлган Шаҳина Мирҳақимовани уйланади. Маълум бўлишича, бу никоҳ эр-хотиннинг иккинчи турмуши эди.

Улар орадан бир йил ўтгач фарзандли бўлишади. Аммо уларнинг турмуши ҳавас қилгудек кечмайди. Аниқроғи, Афзал жуда инжиқ бўлиб, Шаҳинани бўлар-бўлмас рашк қилаверарди. Шу тариха хаш-паш дегунча орадан икки йил ўтиб кетади.

2023 йилнинг 1 июль кўни А.Мирҳақимов ишлаш учун Тошкент вилоятига кетади. У кетгач, Шаҳина билан Афзалнинг опалари ўртасида ўзаро келишмовчилик, можаро келиб чиқади. Натижада келин аразлаб, онасиникига кетиб қолади.

Ш.Мирҳақимова кечқурун хўжайини билан телефон орқали суҳбат жараёнида қайноналарни уни уйдан ҳайдаб юборишганини айтади. Афзал қайтиб боргач, улар билан ўзи гаплашиб қўйишини айтиб, хотинини юпатади.

Орадан икки ҳафта ўтиб қишлоғига қайтган йигит оила аъзоларидан унинг хотинини ҳайдаб юборишганини, аксинча, ўзи кетиб қолганини эшитди. Қолаверса, А.Мирҳақимов хотинига уйига қайтганини айтиш учун кўнғироқ қилганида Шаҳина онаси ва қариндошлари билан Поп туманининг Чодак қишлоғига саёҳатга бориб келишганини айтади. Бу хабар Афзалнинг жаҳл отига миннатишга сабаб бўлади. “Нега хотиним мендан сўроқсиз саёҳатга боради?” деган савол унинг ичини тирнайди.

Кўн буйи жигибийрон бўлиб юрган қуёв кечқурун уйидаги ошхона пичоғини чўнтагига солиб, кўчага чиқади. Кейин аммасининг қизи Мунирани гувоҳ сифатида олиб, қайнонасиникига боради.

Шаҳинанинг онаси Ҳалима Арслонова иниси Зоҳиджон Арслонов ва унинг оиласи билан бирга бобо-сининг ҳовлисида яшарди. Шу боис дарвозани Зоҳиджон ака очди.

Қуёвтура ҳовлига кириб қараса, хотини кўринмайди. У, албатта, авва-



лига Шаҳинани сўрайди.

– Қариндошимизникига кетган, – дейди қайнонаси истаб-истамай.

Бунини эшитган Афзалнинг фиғони фалакка чиқади. Ўзини тутиб, жаҳлини босолмаган қуёв бақир-чақир қилади, қайнонаси билан гижиллашиб, маҳаллани бошига кўтаради. Шунинг учун Зоҳиджон ака Афзални сал тинчлантириш учун гапга аралашади.

– Қуёв, бироз оғирроқ бўлинг, илтимос. Қаранг, овозингиз қўни-қўшниларникига эшитилган.

– Тоға, сиз аралашманг, – дея унга кекирдагини чўзади Афзал.

– Сизни тартибга қақиряпман, холос. Менинг ҳовлимда турганлигингизни унутманг, – дея норозилигини билдиради Зоҳиджон ака.

А.Мирҳақимов бундан баттар тутоқди. Қўтилмаганда чўнтагидagi пичоқни чиқариб, мезбоннинг кўкрагига санчади. Бу ҳолат кўз очиб юмгунча юз берадики, ён-атрофдаги аёллар ҳам нима бўлганини англаб-англамай қолишади. Оқибатда жабрланувчи қон оқаётган кўксини ушлаб, ерга йиқилади. Ҳовлида бир зумда қичув кўтарилди. Кимдир “Тез ёрдам” чақиради, яна кимдир туман ИИБга кўнғироқ қилади. Бироқ, тиббиёт ходимлари етиб келгунча Зоҳиджон аканинг жони узилади.

Маъмур ҳолат юзасидан жиноий иш қўзғатилади. Жиноят ишлари бўйича Учкўприк туман суди қотил қуёвни



- Тоға,
сиз аралашманг,
– кекирдагини
чўзади Афзал
унга.

- Сизни тартибга қақиряпман
холос. Менинг ҳовлимда
турганлигингизни унутманг, –
дея норозилигини изҳор қилади
Зоҳиджон ака.

Лекин А.Мирҳақимов бундан
баттар тутоқди. Қўтилмаганда
чўнтагидagi пичоқни чиқариб,
мезбоннинг кўкрагига санчади.

Жиноят кодексининг 97-моддаси 2-қисми “п” банди билан айбдор деб топиб, 17 йил муддатга озодликдан маҳрум этди. Қолаверса, марҳумнинг яқинларига судланувчидан моддий ва маънавий зарарни ундириш юзасидан фуқаролик тартибидида мурожаат қилиш ҳуқуқи тушунтирилди.

Хулоса қилиб айтганда, ҳеч ким тўғри йўлдан адашмасин. Бундай аянчли ҳолат ҳеч кимнинг бошига тушмасин. Агар қуёв жаҳлини жиповлай олганида бир инсоннинг умри заво бўлмас, ўзи ҳам умрининг навқирон йилларини қамоқхонада ўтказмас эди.

Маъмурий судларга мурожаат қилиш ТАРТИБИ

Маълумки, Ўзбекистон Республикасининг “Маъмурий суд ишларини юритиш тўғрисида”ги кодексига мувофиқ ҳар қандай манфаатдор шахс ўзининг бузилган ёки низолаштирилган ҳуқуқларини ёхуд қонун билан қўриқланадиган манфаатларини ҳимоя қилиш учун маъмурий судга мурожаат қилишга ҳақли.

Ойбек ҲАКИМОВ,
Тошкент туманлараро маъмурий суди судьяси

Маъмурий судга маъмурий ва бошқа оммавий ҳуқуқий муносабатлардан келиб чиқадиган ишлар тааллуқли ҳисобланади. Чунки бу тоифадаги ишларда жисмоний ва юридик шахслар ҳамда маъмурий бошқарув ваколати берилган органлар ўртасида муайян муносабатлар юзага келади.

Ортодошларимизга ҳуқуқий тушунча сифатида эслатиб ўтиш жоизки, маъмурий органлар деганда Президентимизнинг 2022 йил 21 декабрдаги “Янги Ўзбекистон маъмурий ислохотларини амалга ошириш чора-тадбирлари тўғрисида”ги фармони билан тасдиқланган республика давлат бошқаруви органлари (вазирликлар, қўмиталар, агентликлар, инспекциялар) ва уларнинг ҳудудий органлари, маҳаллий давлат ҳокимият органлари, фуқароларнинг ўзини ўзи бошқариш органлари, шунингдек, маъмурий-бошқарув ваколати берилган бошқа органлар, ташкилотлар ва махсус ташкил этилган комиссиялар тушунилади. Жумладан, ФХДЁ, Мажбурий ижро бюроси, нотариуслар, маҳаллий давлат ҳокимияти органлари томонидан қабул қилинадиган маъмурий ҳужжатлар, улар мансбдор шахсларининг ҳаракатлари (ёки ҳаракатсизлиги) устидан маъмурий судларга шикоят қилинади.

Маъмурий ҳужжат маъмурий ваколатга эга орган (мансбдор шахс) томонидан қабул қилиниши, ташқи субъектларга (жисмоний ёки юридик шахсларга) қаратилган бўлиши, муайян ҳуқуқий оқибат келтириб чиқариши билан умуммажбурий хусусиятга эга бўлган норматив-ҳуқуқий ҳужжатлардан фарқ қилади.

Иккала тоифадаги ҳужжатнинг асосий фарқи шундаки, умуммажбурий хусусиятга эга бўлган норматив-ҳуқуқий ҳужжатлар устидан маъмурий судга шикоят қилиш мумкин эмас, бундан идоравий норматив-ҳуқуқий ҳужжатлар мустасно. Мазкур ҳужжатлар бўйича низолар Ўзбекистон Республикаси Олий суди томонидан қўриб чиқилади. Умумий қоида бўйича, маъмурий органнинг қарори, ҳаракати (ҳаракатсизлиги) устидан шикоят манфаатдор шахсга ўзининг ҳуқуқлари, эркинликлари ва қонуний манфаатлари бузилганлиги тўғрисида маълум бўлган пайтдан эътиборан олти ой ичида судга берилиши мумкин.

Аризачига ўзининг ҳуқуқлари, эркинликлари ҳамда қонуний манфаатлари бузилганлиги ёки ҳуқуқ ва эркинликларини амалга оширишга тўсиқлар вужудга келтирилганлиги, аризачининг зиммасига бирор-бир мажбурият юкланганлиги маълум бўлган қонуннинг эртасидан судга мурожаат қилиш муддати бошланади. Шикоят маъмурий ҳужжатни ҳақиқий эмас, ҳаракат (ҳаракатсизлики) қонунга хилоф деб топиш тўғрисида бўлиб, маъмурий орган жойлашган ёхуд мансбдор шахс ишлайдиган жойдаги туманлараро маъмурий судга берилади.

Маъмурий судларга шикоят қилишда жисмоний шахслардан давлат божини ундирилмайди. Давлат божининг натижаси бўйича қаноатлантирилган талабга мутаносиб равишда тарафлардан ундирилади. Борди-ю ариза рад қилинса, жисмоний шахслардан базавий ҳисоблаш миқдорининг 70 фоизи миқдоридан – бугунги кун ҳолатига 238 000 сўм давлат божини ундирилади.

Ўзини ўзгартира олиш саодати

Депутат минбари



Ватанпарварлик кишиларнинг она юртига, ўз ошёнига муҳаббати ва садоқатини ифодалайдиган тушунча бўлиб, барча инсонлар, халқ, миллатлар учун умумий бўлган, асрлар давомида сайқалланиб келган умуминсоний туйғу, маънавий қадриятлардан биридир. Тарихий жиҳатдан ватанпарварлик кишиларнинг ўз ватанлари тақдири билан боғлиқ ижтимоий ривожланиш, халқларнинг ўзлари яшаётган ҳудуднинг дахлсизлиги ва мустақиллиги йўлидаги кураши жараёнида такомиллашиб келган ҳис-туйғулар жамланмиси ҳамдир. Бу Ватаннинг ўтмиши ва ҳозирги билан фахрланишда, унинг манфаатларини ҳимоя қилишда намоён бўлади.

Гулрух АГЗАМОВА,
Олий Мажлис Қонунчилик палатасидаги
«Адолат» СДП фракцияси аъзоси

Бугун биз бевосита ва билвосита олиб борилаётган ғоявий-мафкуравий курашлар замонида яшаймиз. Демак, гап Ватан манфаати, миллат, юрт тақдири ҳақида борганда бу каби вазифалар фақат давлат раҳбарининг зиммасида эмас, балки шу маконни Ватан деб тан олиб яшаётганларнинг барчасини бурчи ва масъулиятидир. Шу билан бирга, ватанпарварлик – ёлғиз ўз Ватанига меҳр қўйишдан иборат эмас. Бу жуда катта ҳис... Бу – ватан билан ўзини бир бутун деб билиш, унинг яхши-ёмон кунларида асқотиш демакдир.

Бир мулоҳаза қилиб кўрайлик. Ватан билан бир бутун бўлиш учун бизга нима етишмайди? Ватаннинг яхши-ёмон кунларида елкадош бўлишимизга ким ёки нима ҳалақит қилади? Ҳар икки ҳолатда ҳам жавоб – ўзимиз. Фақат ўзимиз!

Тўғриси ҳам шу. Фалон даҳолар авлодиданмиз, деб кўксимизга урамиз-у қиз-ўғил фарзандимизнинг камолотини пулга қақиб, коррупцияга ошно қиламиз. Темурубеклар издошимиз, дея мақтанишни биламиз-у, ҳарбийларни қаҳрамон, деб билмаймиз. Хотин-қизларимизни миллат онаси деб кўкларга кўтариб, бир вақтнинг ўзида “ўқиб оламни олиб берармиди”, дея орзуларини ер билан аксон қиламиз.

Юқорида келтирилган идадоларимиз бир оила бошлиғи сифатидаги

“саъй-ҳаракатларимиз” бўлса, иккинчи томондан, юксак маънавиятни тарғиб қила туриб, оддий маданиятга риоя қилмасак, иқтисодиётни ривожлантираемиз деб, “яширин” иқтисодиётни яширсак, қурилишга ажратилган пуллардан орттириб, “хавода” муаллақ уйлари қуриб, бизга ишонганларни ҳув туширишимиз соҳа мансабдори сифатида масъулиятсизлигимиз оқибати эканлиги ҳам айни аччиқ ҳақиқатдир.

Маънавият, маърифат ва маданият, иқтисодиёт ва инвестициялар, мамлакатимиз мудофаа қобилиятини янада мустаҳкамлаш ва Қуролли кучларни ривожлантириш ҳамда уй-жой қурилиш, коммунал хўжалиги, транспорт ва экология масалалари муҳокамасига бағишланган қатор йиғилишларда айнан мана шу каби долзарб муаммолар таҳлил қилинди, танқидий фикрлар айтилди, истиқболли режалар белгиланди.

Бу каби чуқур таҳлилларга асосланган аниқ соҳалар кесимида комплекс ишлаш формати ҳам давлатимиз раҳбари фаолиятидаги йил сарҳисоби бўйича янги услубдир. Бир қарашда ҳаммаси оддийдек туюлади: кенг қамровли ислохотлар бошланди. Замон талаби билан ушбу ислохотлар жаддалади. Халқ иродаси ва хоҳиш-истаклари рўёби учун кенг йўл очилди, одамлар ҳаёти ўзгарди ва бу жараён давом этмоқда.

Қаранг-ки, бунинг натижасида режаларимиз, мақсадлар ва орзуларимиз ҳам анчайин улғайди. “Биз бир бўлсак – ягона халқмиз, бирлашсак – Ватанмиз” шоримизга айланди. Аммо бу ўздан ўзи бўлиб қолмади ёки четдан келиб биров қилиб бермади. Тан олиш керак-ки, бу давлат раҳбарининг ниҳоятда заҳматли ва машаққатли йўлдаги тинимсиз меҳнатлари, тўхтовсиз изланишлари, ва, албатта, халққа хизмат қилишни улкан шараф деб билган етук раҳбарнинг самарали сиёсати натижасидир.

Осонмас. Айниқса, бугун Ўзбекистонга нисбатан халқро майдонда катта ишонч пайдо бўлаётган, ўзбек аталмиш миллат катта йўлга чиқиб, ўзининг аниқ йўналишини белгилаб, халқро ҳамжамият орасида обрў-эътибор топиб бораётган пайтда озғига кучи етмаган, миллатимиз тарихини билмаган, тарих ҳаритасидан юртимизни қидириб топишда саводсизлигини очикчасига кўрсатиб, Ўзбекистон раҳбариятининг

Дарҳақиқат, ташаббус бор жойда натижа бўлади. Натижа қанчалик аниқ ва ҳаётий бўлса, эртанги кунга ишонч ошади, розилик бўлади. Янги Ўзбекистонни қуриш ва унда яшаш йўлида Президент атрофида биравлашиб, яқдил бўлиш, ўз навбатида, ўзини ўзгартира олган халқ елкасига миалат ва давлат тақдири, Ўзбекистон аҳолисининг истиқболи билан боғлиқ мажбурият юкланади. Зеро, доғишманча боболаримиз айтганларидек, “ҳар қайси инсоннинг қалбида кўёш бор, фақат унга нур сочиш имконини бериш керак”.



Бир мулоҳаза қилиб кўрайлик. Ватан билан бир бутун бўлиш учун бизга нима етишмайди? Ватаннинг яхши-ёмон кунларида елкадош бўлишимизга ким ёки нима ҳалақит қилади? Ҳар икки ҳолатда ҳам жавоб – ўзимиз. Фақат ўзимиз! Тўғриси ҳам шу. Фалон даҳолар авлодиданмиз, деб кўксимизга урамиз-у қиз-ўғил фарзандимизнинг камолотини пулга қақиб, коррупцияга ошно қиламиз. Темурубеклар издошимиз, дея мақтанишни биламиз-у, ҳарбийларни қаҳрамон, деб билмаймиз. Хотин-қизларимизни миллат онаси деб кўкларга кўтариб, бир вақтнинг ўзида “ўқиб оламни олиб берармиди”, дея орзуларини ер билан аксон қиламиз.



Муносабат

Давлатимиз раҳбари Шавкат Мирзиёев раислигида бўлиб ўтган таълим, тиббиёт, рақамлаштириш, маданият ва спорт соҳаларидаги ислохотларнинг жойлардаги ижросини таъминлаш масалаларига бағишланган видеоселектор йиғилишида соғлиқни сақлаш тизимидаги мавжуд камчиликлар танқидий таҳлил этилиб, галдаги устувор вазифалар белгилаб берилди.

Шифокорлик шарафини оқлайлик



Тоҳиржон ПОЛВОНОВ,
Республика ихтисослаштирилган онкология ва радиология илмий-амалий тиббиёт маркази Хоразм филиали раҳбари,
халқ депутатлари вилоят Кенгаши депутатлик гуруҳи раҳбари

Йиғилишда эришилаётган ютуқлар билан бирга талай долзарб вазифалар ҳам ўз ечимини кутаётгани айтилди.

Маълумки, ҳар қандай касалликни даволашдан кўра унинг олдини олган афзал. Шу маънода, эндиликда онкологик касалликларнинг олдини олиш мақсадида эрта аниқланган ҳар бир ҳолат учун тиббиёт бригадаларига мукофот бериш тизими жорий қилинадиган бўлди. Бу бизнинг филиалимиз жамоасига ҳам катта масъулият юклайди.

Сир эмас, онкологик касалликлар бутун дунёда даволаш учун катта маблағ ва юксак тиббий имкониятлар талаб қиладиган хасталиклар қаторига қиради. Шу боис филиалимизда онкология хизматини яхшилаш учун бюджетдан етарли миқдорда маблағлар ажратилиб, даволаш ҳамда диагностика биналари янгидан барпо этилди. Энг замонавий тиббий жиҳозлар ва дори-дармон воситалари билан таъминланди.

Қолаверса, филиалимиз шифокорларидан 37 нафари хорижий давлатлардаги етакчи клиникаларда малака ошириб қайтди.

Дарвоқе, чет мамлакатлардаги 9 та тиббиёт маркази билан ўзаро ҳамкорликни йўлга қўйдик. Амалга оширилган чора-тадбирлар натижасида вилоятдан даволаниш учун пойтахтга борадиган онкологик беморлар сони икки баробар камайди. Онкологик касалликлар билан хасталанганлар орасида бир йил давомида ўлим кўрсаткичи ҳам сезиларли даражада пасайди. Йиғилишда таъкидланганидек, касалликни эрта босқичда аниқлашга эътибор қаратилгани ютуқларимизда муҳим омил бўлди.

Президентимиз галдаги долзарб вазифаларни ҳам белгилаб бердики, бу ҳам бизга масъулият юклайди. Тиббиёт соҳаси, жумладан, онкологик касалликларнинг олдини олиш борасида билдирилган танқидий фикрлардан хулоса чиқарган ҳолда, ишимизни янги босқичда давом эттираемиз. Зотан, халқимиз бизга энг улкан бойлиги – саломатлигини ишониб топширар экан, биз, тиббиёт ходимлари бу омонатни нафақат асрай олишимиз, балки инсонларнинг соғлом ва узок умр кўриши йўлида бор куч-салоҳиятимизни аямаслигимиз, бу эзгу мақсадга бутун борлигимизни бахшида этишимиз керак. Шундагина шифокор деган шарафли номни оқлаб, халқимизнинг ишончини қозонамиз.

Партиямиз фидойилари

Захро Аҳмедова партия сафига ҳаётда ўзига хос тажриба тўплаган ҳолда кириб келган. Қурувчилик касбига қизиқиши баланд бўлгани учун Тошкент политика институтининг Наманган филиалини тугатиб, Жомашўйдан Тўрақўрғонга келин бўлиб тушди. Ҳаётни тушунган, олий маълумотли Рустамжон Қодиров билан умр риштасини боғлади. Захрохон дастлаб ишни лойиҳа институтининг Наманган шаҳар филиалида бошлади. Сўнг туман болалар жамғармасида, давлат ихтисослашган мактаб-интернатида ишлади. Фарзандли бўлди. Уч қиз, бир ўғилни кўнгилдагидай тарбиялаб, вояга етказди.

Муҳиддин ОМАД, журналист

Захро Аҳмедова кўп йиллик ҳаётий тажрибаси, табиатан ҳақиқатпарвар бўлгани ва зиёли оилада тарбия топгани учун «Адолат» партияси сафига аъзо бўлиб кирди ва беш йилдан буюн Тўрақўрғон туман кенгашининг раиси вазифасида ишлаб келмоқда.

Албатта, партия етакчисининг иши осон эмас, ҳозир сиёсат билан ҳеч кимни ҳайратлантириб бўлмайди. Одамлар куруқ гапга ишонмай қўйган. Сиёсатни сўзда эмас,

Фаоллик ютуқлар омили

сининг ташкилий ишлар бўйича ўринбасари Баҳодир Болтабоев. – Дунёқараши кенга, партия топпириқларини кечиктирмасдан бажаришга одатланган. Эл-юрт орасида ҳурмати бор. Шунинг учун биз ҳар доим Захрохоннинг ўзини ҳам, ишини ҳам бошқаларга ўрнак қилиб кўрсатамиз.

Вилоят партия кенгашининг навбатдаги йиғилишида кенгаш раиси Исроилжон Жўраев Захрохон Аҳмедованинг ўтган йилдаги фаолиятига, жумладан, партия аъзолари фаоллигини ошириш, бошланғич партия ташкилотлари ишини яхшилаш, депутатликка номзодлар масаласи, аъзолик бадаллари, аҳоли муурожаатлари билан ишлаш, сессияга таклифлар киритиш, сайловга пухта ҳозирлик кўриш борасида олиб бораётган ишларига юқори баҳо берди.

Тўрақўрғон тумани йилдан-йилга санатлашиб бормоқда. Аҳоли турмуш тарзида ўзгаришлар кўп. Янги турар-жойлар, ишлаб чиқариш корхоналари аҳолини замонавий бошпана ва иш билан таъминлашга имкон яратмоқда. Лекин ҳаётда камчилик ва муаммолар ҳам учраб тураркан. Уларни бартараф этишда, аҳоли муурожаатларига ечим топишда партия фаоллари ҳам қараб турмай-

дилар. Долзарб масалаларга ечим топишда Захрохон Аҳмедова «Қатагон» маҳалла фуқаролар йиғини раиси, депутат Эркин Бориев, «Ёртепа» маҳалла фуқаролар йиғини раиси, «Меҳнат шухрати» ордени нишондори Ҳалима Абдурахмонова, ҳар ишда камарбаста Наргиза Абдулазизова, ичимлик сув таъминот УҚ раҳбари Ёқутхон Абдуқомидова, 1-сонли умумтаълим мактабининг маънавий-маърифий ишлар бўйича директор ўринбасари Дилдора Ғойибоева, «Шухрат» медали соҳибаси Лобархон Рустамова каби обрў-эътиборли партиядошлари билан ҳамкорлик қилиб келмоқда.

– «Ёшлар ва бизнесни қўллаб-қувватлаш йили»да ҳар бир партия аъзоси фаол бўлиши зарур, – дейди Захрохон Аҳмедова. – Бугун дунё юксак технология ва рақамлаштириш билан нафас олмақда. Шу билан бирга инсонларнинг феъл-атвори ҳам ўзгармоқда. Тараққиёт бўлган билан маънавият бўлмаса, тарбия бўлмаса, инсон таназзулга юз тутайди. Ахлоқсизлик авж олган жамият қулайди. Шунинг учун ҳар доим маънавиятни, ёшлар тарбиясини, таълимни биринчи даражага қўйган ҳолда ишлашимиз зарур.



ISH BOR



Эҳтиёт бўлинг,

ЗАМОНАВИЙ ФИРИБГАРЛАР

"Талабалик олтин давр", дейишади. Абитуриентлик заҳматидан илмга бўлган муҳаббатингиз ошса, талаба бўлгач ҳаётга муносабатингиз, қарашингиз ўзгарар экан. Шунинг учун ҳам ҳар биримизнинг кўнглимизга талабалик ширин ва ажойиб дамлар, унутилмас хотиралар сифатида муҳрланади. Талаба яна шундай тоифаки, ўқиши мобайнида оиласига оғирликни туширмасликка ҳаракат қилади, лекин бунинг уддасидан чиқа олмайди. Натижада ота-она юборган пулни тўғри харж қила олмай, қисқа муддатда ишлатиб қўйиб, яна улардан маблағ сўрайди.

Илҳомжон АБДУСАЛОМОВ, ЎзДЖТУ талабаси

Камина пойтахтга ўқишга келганимдан кейин кўп қийналган жиҳат ҳам шунда бўлди. Шу сабаб кўпчилик қаторида мен ҳам ўқишдан бўш вақтимда ишлашга ҳаракат қилдим. Ижтимоий тармоқлардан бўш иш ўринлари ҳақида маълумотлар қидира бошладим. Лекин бу жараёнда мени бир масала қийнади. Ҳар бир вақант иш ҳақидаги эълонни кўздан кечириб "Талабалар қабул қилинмайди!" жумласи ёзилмаган бўлсин, деб ҳаёлдан ўтказардим. Иш ўрни ҳақида эълон берган тақсилотлардаги суҳбат ҳам осон кечмасди. Афсуски, аксарият тақсилотларнинг эълонларида шундай изоҳ мавжуд эди. Улар "Кечирасиз, талаба экансиз. Бизга талабалар керак эмас!" деб жавоб берарди. Шундай пайтларда аламингдан бировларни сўкиб, хумордан чиққинг келади, лекин фойдаси йўқ...

Биз талабалар учун вақт ва маош масаласида энг тўғри келадигани сотув менежери лавозими ҳисобланади.

Бу соҳада ишлаганим, ундаги "саргузаштлар" таниш бўлгани сабаб ушбу соҳадаги иш ўрни ҳақидаги маълумотларни эътиборсиз қолдирардим. Аниқроқ айтадиган бўлсам, бу соҳада ёлгон кўп бўлгани учун ишлашни хоҳламасдим. Алаҳусус, бировни алдаб топган пулингиз буюрмаслиги, нўқмаслигини билиб-билмай, ишлай-версангиз, гуноҳ қилишингиз ҳеч гап эмас. Майли, бу борада чуқурлашмайлик.

Орадан кўп вақт ўтмади. Телефонни очсам "Иш бор" каналидан

янги хабар "Пойтахтдаги фалон компанияга ишчи керак. Ойлиги фалон миқдорда. График эркин. Талабалар қабул қилинади. Чет эл саёҳати бор!" каби жумлалар уйда ишламай ётган бекорчининг ҳам кўзини мошдек очиб юборади. Хурсанд бўлиб, боғландим. Маоши осмонда бўлишини, фақат классик услубда кийиниш кераклигини айтишди. Суҳбат учун манзил ва вақтни белгилдик. Ўша кун келди. Борсам, суҳбат пуллик эканини, биз билан суҳбатлашадиган одам вақтини ажратгани учун тўлов бадали борлигини маълум қилишди. "Бу ёғи қандай бўлар экан?", деб келган йўлимга ачиниб, тўлов қилдим. Ўша вақтда бу ерга келганлар сони ўн беш-йигирма нафарча бўлиб, улар ҳам суҳбатга навбат кутаётган экан. Суҳбатга кирдик. Бир йигит кириб келди. Биз билан яхшилаб сўрашиб бўлганидан сўнг бойлик, тадбиркорлик, пул, машина, вилла каби эртак-намо гаплар ҳақида анча ваъз ўқиди. "Бизга қўшилсангиз фалон бўласиз. Швециядан коттедж олишга кўмаклашамиз" каби гаплари мени хушёр торттирди. Албатта, "Бир балоси бўлмаса шудгорда куйруқ на қилур?" деб ўйладим. Ниҳоят, тақдимотчи мақсадга кўчди. Ўша жамоага қўшилиш

учун камида 1000 доллар тикишингиз керак экан. Шунда ойига 5000 \$ топишингизни ўргатувчи курсга ёзилар экансиз. Шу гап айтилган заҳоти "Бели оғримангнинг нон ейишини кўр!", деб ансам қотди. Кейин ўша тақдимотчи йигитга "Сизга 1000 долларни бердим ҳам дейлик. 5000 доллар туғул, ойига 500 доллар беришга аниқ ваъда бера оласизми?", дедим. "Буни вақт кўрсатади", деди у бепарво.

Демак, бизга замонавий эртак айтяпти. Ачинарлиси, бу хаёлий гапларга ишониб, пул тикканлар ҳам анчагина. Биз суҳбатга кириш учун тўлаган бадал уларнинг улуши бўлишини кейин англаб етдик. Лўндасини айтганда, ёлгонни эшитиш учун тўлаган пулимиз уларнинг ойлиги бўлади, «иш» бору аммо ойликка кафолат беришмайди. Бировни алдаш, қинғир йўллар билан пул топишни мақсад қилган бу каби фирибгарлар олдида икки қўлимизни бурнимизга тикиб чиқиб кетдик. Бундан кўринадики, бу каби ваъдалар шунчаки пул ундириш, бировларнинг чўнтагини қаппайтириш учун хизмат қилса қилади, аммо сизга фойдаси тегмайди...

Хулоса қилиб айтганда, ҳар ернинг ўз тошу тарозиси борлигини инобатга олсак, ҳалол меҳнатимиз билан топган пулимиз бизга бахт келтиришини тушунишимиз керак. Акс ҳолда, алдов йўлини тутганларнинг тузоғига тушиб қолишимиз ҳеч гап эмас.



АЧИНАРЛИСИ, БУ ХАЁЛИЙ ГАПЛАРГА ИШОНИБ, ПУЛ ТИККАНЛАР ҲАМ АНЧАГИНА. БИЗ СУҲБАТГА КИРИШ УЧУН ТўЛАГАН БАДАЛ УЛАРИНГ УЛУШИ БўЛИШНИ КЕЙИН АНГЛАБ ЕТДИК. ЛўНДАСИНИ АЙТГАНДА, ЁЛГОННИ ЭШИТИШ УЧУН ТўЛАГАН ПУЛИМИЗ УЛАРИНГ ОЙЛИГИ БўЛАДИ, «ИШ» БОРУ АММО ОЙЛИККА КАФОЛАТ БЕРИШМАЙДИ.

Тавсия



- ✓ Фақир ва мискин олдида молу- давлатингдан гапирма!
- ✓ Бемор олдида соғ-саломат эканингдан фахрланма!
- ✓ Заиф ва ночорлар олдида куч-қудратингни пеш қилма!
- ✓ Бахтсиз ва омадсиз олдида саодатингдан сўз очма!
- ✓ Мазлум-маҳбус ҳузурида ҳурриятингдан жар солма!
- ✓ Бефарзанднинг ёнида болаларингдан, етим олдида ота-онангдан сўз очма!
- ✓ Бошқанинг жароҳатини янгилама, сен ўзингни хурсанд қилсанг-да, аммо сезмасан ҳолингда уни синдираётган бўласан.

Ибрат



Қадимда уч паҳлавон ораларида ким тарбия беришда илорлигини аниқламоқчи бўлишибди. Учласи ҳам биттадан шоғирдларини чақиришибди. Ҳар бир шоғирд ўз устозига тош отиб, бу санъатни қанчалар ўзлаштирганини намойиш этиши керак экан. Биринчи паҳлавон шоғирди отган тошларга эпчиллик билан чап берибди. Иккинчи паҳлавон отилган тошларни усталик билан шоғирдига қайтарибди. Учинчи паҳлавоннинг шоғирди қанча мажбурлашсин, устозига тош учинчи бош тортибди. Холис ҳакамлар шу учинчи устоз-шоғирдни голиб деб топишибди. Қолган икки паҳлавон норози бўлишибди:

- Ахир, улар тош отиш санъатини кўрсатиб беришмади-ку!
- Тўғри, – дебди ҳакам. – Лекин у шоғирдини устозига тош отмайдиган қилиб тарбиялабди...

Санъат сеҳри

ҲОҒИЗ АНЪАНАЛАРИНИНГ ДАВОМЧИСИ

Халқ орасида "Яратган томонидан хушсадо, гўзал овоз ато этилган киши ярим шоҳдир", деган ҳикмат бор. Байрамларда, тўйларда хушовоз хонандаларни халқимиз уйига чорлаб, меҳмон қилади. Хонишларидан баҳраманд бўлади. Обод ва фаровон юртда эса бундай кунлар кўп бўлади ва бу, ўз навбатида, яхши санъаткорларни элга танитади. Зеро, инсоннинг маънавий камол топишида, руҳан покланишида санъат асосий мезонлардан бири саналади.

Саодат МУСАЕВА, Ўзбекистон Ёзувчилар уюшмаси аъзоси



Ўз даврида эп ичра доврүк солган ҳоғизимиз Фаҳридин Умаровнинг бетакрор кўшиқлари ҳамон қалбларни жўш урдиради. Улуғ ҳоғиздан ўзига хос санъат мактаби қолган. Ана шу мактабнинг пешқадам вакилларида бири – хушовоз хонанда Ҳожимурод Умаровдир. У раҳматли Фаҳридин Умаровнинг акасини ўғли бўлиб, болалигидан бу мактабнинг яхши хусусиятларини қалбига жо қилиб олган.

Ҳожимурод Умаров ижросидаги тиниқ, ширали ва жарангдор кўшиқлари тингласангиз, Фаҳридин акага монанд овоз ва оҳангдан сармаст бўласиз.

Унга бу истеъдод ота-онасидан ўтган. Дутор чертишни қойиллатадиган отаси Саидпўлат Умаров ва кўнгирикдек овоз соҳибаси бўлган Рихсибуви она уни Тошкентдаги мусиқа билим юртида ўқийдиган тоғаси Тўйчи Эргашевга шоғирдликка беришади. Кейинчалик у амакиси Фаҳридин Умаровдан андоза олиб "Азиз ватаним", "Ҳилол эмасму?", "Жамолнинг" каби кўшиқларни ижро эта бошлади. Шу-шу мактабдаги, тумандаги маданий, оммавий тадбирлар унинг иштирокисиз ўтмайдиган бўлди.

Ҳожимурод Умаров овоз имкониятларидан унумли фойдаланиб, кўшиқчилик сир-асрорларини кунт билан ўрганди. Мумтоз мусиқа санъатининг бетакрор оҳанглари, устоз санъаткорнинг хонишларини идроклашга ҳаракат қилди. Қариндошларидан хабар олгани келган Фаҳридин Умаров унинг кўшиқларини тинглаб, маслаҳатларини бериб турарди.

Узоқ йиллар Қибрай туман маданият уйида фаолият кўрсатиш билан бир қаторда Ҳожимурод Тошкент кишлоқ ҳўжалиги институтининг иқтисод факультетида таҳсил олди. У кўп йиллар ўз мутахассислиги бўйича меҳнат қилса-да қўлидан тори тушмади. Ҳамон эп-юрт орасида хушовоз ҳоғиз сифатида донг таратиб келмоқда.

– Фаҳридин Умаров таъбири билан айтганда "Ҳар қандай ғамнинг ҳам поёни бор!" Ўз даврининг доврүк қозонган машҳур ҳоғизининг халқчи ва бетакрор кўшиқларини ҳамон миллионлаб мухлислари севиб тинглайдилар. Шунга яраша биз устоз ҳоғизимизнинг санъат мактабини изчил давом эттиришни ҳам фарз, ҳам қарз, деб биламиз, – дейди Ҳожимурод ака. – Бугун давр бошқача. Президентимизнинг қатъий саръҳаракатлари билан мумтоз санъатимизни қайта тиклаш ва ривожлантириш борасида катта ишлар амалга оширилмоқда. Худди шу жараёнда биз ҳам эпимиз қалбидан мангу жой олган Фаҳридин Умаровнинг мумтоз кўшиқчилик мактабини бугунги ёшлар қалбига жо этишни шарафли бурчимиз, деб биламиз. Келажагимиз ҳисобланган ёшлар ота-боболари севиб тинглаган мумтоз оҳанглар оғушида улғайсалар, комил инсонлар бўлиб камолга етадилар.

